

WES-KAAPSE PROVINSIALE PARLEMENT

LUG JOU MENING

Die Staande Komitee oor Plaaslike Regering, Omgewingsake en Ontwikkelingsbeplanning van die Wes-Kaapse Provinsiale Parlement nooi belanghebbendes, belangstellende persone en organisasies uit om voorleggings te maak oor die Wes-Kaapse Wysigingswetsontwerp op Monitering en Ondersteuning van Munisipaliteite [W 8–2023] en die Wetsontwerp op die Onafhanklike Munisipale Afbakeningsowerheid (“Independent Municipal Demarcation Authority Bill”) [W 14B–2022] (NRVP).

Die doel van die **Wes-Kaapse Wysigingswetsontwerp op Monitering en Ondersteuning van Munisipaliteite [W 8–2023]** is om die Wes-Kaapse Wet op Monitering en Ondersteuning van Munisipaliteite, 2014 (Wet 4 van 2014), te wysig, ten einde sekere woordskrywings in te voeg; om voorsiening te maak vir die Provinsiale Minister om enige munisipaliteit of kategorie munisipaliteit deur kennisgewing in die *Provinsiale Koerant* te versoek om inligting aan ’n vermelde provinsiale staatsorgaan voor te lê; om voorsiening te maak vir toegang tot rekords van ’n munisipaliteit gedurende ’n evaluering of ondersoek deur sekere provinsiale funksionaris; om voorsiening te maak vir die aanwysing van steunbeamptes aan munisipaliteite; om voorsiening te maak vir die aanwysing van ’n provinsiale steunbeampte; om die bepalings te wysig wat voorsiening maak vir samewerking tussen ’n munisipaliteit en die Departement; om voorsiening te maak vir prosedures vir die proaktiewe monitering van munisipaliteite; om voorsiening te maak vir prosedures vir die inspeksie, beveiliging en kopiëring van rekords in vermelde omstandighede; om voorsiening te maak vir die Provinsiale Minister om by ontvangs van sekere bewerings ’n munisipale raad te beveel om ’n voorlopige evaluering uit te voer; om die Provinsiale Minister te magtig om die uitkoms van ondersoeke deur ander staatsorgane af te wag voor hy of sy kragtens artikel 106 van die Wet op Munisipale Stelsels of hierdie Wet optree; om die vereistes te wysig met betrekking tot die evaluering wat deur die Provinsiale Minister uitgevoer moet word voor ’n beroep op artikel 106(1) van die Wet op Munisipale Stelsels; om die prosedures te wysig by die beroep op daardie artikel; om sekere verslagdoeningsvereistes te skrap; om voorsiening te maak vir aangeleenthede waarvoor die Provinsiale Minister regulasies kan maak; om verdere misdrywe bekend te maak; en om vir bykomstige aangeleenthede voorsiening te maak.

Die doel van die **Wetsontwerp op die Onafhanklike Munisipale Afbakeningsowerheid (“Independent Municipal Demarcation Authority Bill”) [W 14B–2022] (NRVP)** is om voorsiening te maak vir die totstandkoming, funksies en bevoegdhede van die Onafhanklike Munisipale Afbakeningsowerheid; om voorsiening te maak vir die vereistes en prosedures vir die bepaling en herbepaling van munisipale grense; om voorsiening te maak vir die begrensing van wyke; om voorsiening te maak vir die instelling van die Afbakeningsappèlowerheid; om voorsiening te maak vir evaluering van munisipale kapasiteit; en om voorsiening te maak vir aangeleenthede wat daarmee in verband staan.

Persone wat belangstel om met die Staande Komitee te skakel, kan skriftelike voorleggings indien (e-pos: jcoetzee@wcpp.gov.za) of mondelinge voorleggings maak deur stemnotas op WhatsApp te stuur (selfoonnommer: 072 521 6674). Hulle kan ook versoek om voor die Staande Komitee te verskyn om mondelinge aanbiedings te maak.

Die openbare verhore is soos volg gereël:

DATUM	TYD	PLEK	FORMAAT
Woensdag 23 April 2025	18:00	George-burgersentrum, Yorkstraat 71, George	In persoon
Dinsdag 29 April 2025	18:00	Vredendal Noord Gemeenskapsaal, Vredendal	In persoon
Woensdag 30 April 2025	18:00	Wes-Kaapse Provinsiale Parlement Raadsaal (sesde verdieping) Waalstraat 7 Kaapstad	Hibried en in persoon

Alle voorleggings en versoeke om voor die Staande Komitee te verskyn moet die Staande Komitee bereik teen nie later nie as Dinsdag 22 April 2025.

Rig voorleggings, navrae en versoeke aan mnr Johan Coetzee (tel: 021 487 1717 of e-pos: jcoetzee@wcpp.gov.za).

Die wetsontwerpe is op die Wes-Kaapse Provinsiale Parlement se webtuiste by www.wcpp.gov.za beskikbaar.

Uitgereik deur mnr D Bryant (LPP), Voorsitter van die Staande Komitee oor Plaaslike Regering, Omgewingsake en Ontwikkelingsbeplanning.